

廣東通志卷二百四

金石畧六 五代

梁清泉禪院銅鐘款文 存

弟子節度左押衙充府牆池內外副指搆使并都  
教練使銀青光祿大夫檢校尚書右僕射使持節  
端州諸軍事守端州刺史御史大夫上柱國利邵  
去天復二年十一月二十三日鑄造洪鐘壹口重  
壹千斤於清泉禪院供養永乞爵位高遷家眷寧  
謚此時設齋慶讚訖久未得題號今專差匠周匡  
往鑄字開平五年六月三日重記

謹案鐘在廣州元妙觀梁端州刺史利邵  
去所鑄漢紀有利幾邵去豈其後歟結銜  
府牆池卽城池曾南豐集韓公井跋云楚  
故城今謂之故牆故城改爲牆者由梁太  
祖父烈祖名誠當時避之然則此云府牆  
池內外副指搆使蓋司城隍之官是時梁  
進封劉隱爲南海王 此據歐陽史在乾化  
元年與五代會要作  
開平四年 依舊清海軍節度使清海軍爲大  
府端州實隸之故邵去以州刺史而充是  
官史稱開平五年五月改元乾化鐘鑄字  
在六月猶稱開平詔書未至端州耳

廣州石識 佚

人人有一山山值牛免絲吞骨蓋海承劉 宋史南  
漢世家

廣南劉龔初開國營構宮室得石識有古篆十

六其文云云解者曰人人有一大人也山山出

也值牛者龔建漢國歲在丑也免絲者晟襲位

歲在卯也吞骨者殺諸弟也越人以天水爲趙

蓋海指皇朝國姓也承劉者言受劉氏降也 吳

厚青箱  
雜記

尊勝經石幢 經文不詳

口口乾和三年大歲乙巳三月八日丙寅口口陳

十八郎敬贖造加口佛口尊口陀羅尼幢一座追

寫幽途胡悞物并乞自口口口口口口長於羅浮

口口口禪院供養設齋慶讚訖

謹案石幢在博羅羅浮山寶積寺門外

鍾允章盤龍御室記 佚

大漢享國之三十有三祀龍集己酉季冬莫開十

四葉上以萬機有暇四海無波時屬祈寒節當冬

狩九卿扈駕百司隨鑾巡英州舍於閩石翼日排

僊仗整翠華羽衛星羅旗幢雲布嶽靈警蹕風伯

清塵上衣龍章絳袍曳風文翠綬佩流黃鏤金之

劍御飛靈凌崖之與幸茲盤龍石室者也伏惟大

聖文武元德大明至道大廣孝皇帝陛下聖惟天

縱功格帝堯味道探元奉真元之化端拱垂衣返

淳樸之風百度惟貞九圍承式因訪清虛之景爰  
追汗漫之遊斯山之勝槩也得非元化興機巨靈  
運智丹臺瑋室真為上帝之居乳竇芝房宛是長  
生之境白犬吠而壺天晝永幽禽語而洞壑雲深  
神草含華元泉瀉瑞於是拂石牀而設御停玉輦  
以凝旒遂感龜鶴呈祥河宗效器俄頃有一道流  
衣短褐斂容而至自稱野人本無姓名云昔時葛  
先生於此石室煉丹砂藥成息歛躡雲而舉令野  
人且伏火延神秘丹於靈府并云後五百載當有  
真人降此子宜以其還丹呈獻昨畧算之起重光  
單闕之歲迄屠維作噩之年將四百九十祀果令  
金德主來幸驗其君之言明矣野人因匍匐而來  
上喜聞所陳問仙者靈丹何在野人曰咫尺耳遂  
捫蘿於峭壁中取出一小石函函上有金書古篆  
題九蛻之丹四字內有神丹七粒大如黍粟光影  
射人僊者開函取丹躬自持獻野人遽旋踵隱入  
石縫間罔知厥止時有近臣奏曰聖上德契元微  
感茲靈異尚以兆民係念四海為心雖獲還丹未  
宜輕服上然所奏遂屏去左右迺召從臣吳懷恩  
捧丹隨御於石室深遠處鑿石秘之衆莫知矣擇  
日亟命道衆設壇場陳齋醮以申告謝靈貺由是  
龍顏開豁圓蓋舒情緩撫瑤琴弄流泉之激越親

瀝宸翰奮睿思之縱橫奏九成之簫韶煙霞縹緲  
感百獸之率舞洞府喧闐羣后子來皆朝於禹會  
衆僊萃至競祝於堯齡微臣榮列紫垣獲隨鑾輅  
紀僊靈秘奧之事媿乏好辭頌聖朝煥赫之功慚  
無麗藻拜承綸旨伏積兢惶十國春秋  
謹案是刻不知亡於何時輿地紀勝云南  
偽漢盤御室記在碧落洞卽此記也盤御  
室乃寫脫龍字耳  
瓊州乾亨寺鐘銘佚  
在開元寺有南漢乾和九年鐘銘輿地紀勝  
長慶禪院銅鐘款存  
漢乾和十五年歲次丁巳十一月一日癸未朔二  
十日壬寅雲母山長慶禪院沙門神坦普勸衆緣  
鑄造洪鐘一口重八百斤上資國祚普及四恩下  
濟三有永充供養  
謹案鐘在增城萬壽寺舊志萬壽寺在縣  
南鳳凰山之東此鐘款云雲母山長慶禪  
院地志無此寺名雲母山卽雲母嶺在城  
西二十里今鐘在萬壽寺不知移自何時  
矣款既書朔又書一日濟字作津皆俗僧  
所為不足論也  
大寶二年鐘款存

粵維大寶二年大歲己未七月甲辰十九日壬戌  
樂昌黃蓮山寶林禪院住持長老明徽大師賜紫  
沙門義初召衆緣鑄造銅鐘壹口重肆伯斤勸首  
弟子給事郎守內侍省內府局令都監樂昌防邊  
諸都并監樂昌縣事賜紫金魚袋鄭敬贊以七月  
二十八日設齋慶讚永充供養 奉勅鐫題黃蓮  
山銅鐘壹口官力

謹案鐘在韶州新建文昌廟粵東金石畧  
云此鐘不知何時移於韶州府學明倫堂  
今又從明倫堂移來者也奉勅鐫題以下  
十三字字體天斜疑與鐘款非一時所鑄  
緣从彙鐫从門皆別體字戊作戊宋初碑  
刻猶有此或避梁諱茂字形似相沿未改  
也

拓路題記 未見

在湖陽南漢大寶三年十一月正書 孫星衍袁  
字訪碑錄  
鎮象塔記 存

以大寶口口口口口月乙卯朔六日庚申口口  
口口口面招討使行內侍監上柱國邵口口 已下  
不辨  
口口一段收 此下不  
辨字數及諸寺院僧尼鑄造佛頂尊  
勝口口尼 上體判  
似尼字口口 此下不  
辨字數大白衣觀口  
口口薩尊口口 此下不  
辨字數塔五層四面龕室裝嚴佛

像又捨黑口口 此下不  
辨字數差僧延嗣住持焚修伏以  
所崇妙善蓋口口口口口口羣象踏食百姓田  
禾累奉勅下老人採捕駝括入欄烹宰應贍軍口  
口其戴甲披口口口負來之口口口道骸滯魄難  
超捨去口口 此下不  
可辨良因免涉幽局之苦速承濟  
度永辭異類之徒

謹案塔在廣州東莞資福寺紀年已泐粵  
東金石畧題云大寶五年而黃佐廣州先  
賢傳云大寶七年始加廷珣爲東面招討  
使與五年之文不合攷大寶七年爲遼應  
歷十四年遼史朔考是年至明年六月 是  
月  
邵廷珣無乙卯朔惟應歷十二年爲大寶五  
年十一月乙卯朔此記云乙卯朔則五年  
無疑矣又歐陽五代史南漢世家建隆元  
年 大寶三年銀將邵廷珣言於鋹則珣之爲將  
已在五年以前故塔建於五年得題銜招  
討使廣州先賢傳云七年始加者誤也記  
中憲字玉篇廣韻並無惟見集韻蓋當時  
鄉壁虛造之字記後刻佛頂尊勝陀羅尼  
經文多泐不錄吳萊南海古蹟記云東莞  
鎮象塔馮餘宮使邵廷珣造今題銜已泐  
數字無可考矣

西鐵塔銘

盧迦那佛此東 釋迦佛此東 玉清宮使德口  
 口口口宮使開府儀同三口口口內侍監口口國龔  
 口口同女弟子口口口口口口以大寶六年口口  
 口亥五月壬子朔口口口口口口鑄造口口口  
 入緣弟子內給事都監韶州梁口鄂以上 盧舍  
 那佛此南 彌口佛此南 玉清宮使德陵使口  
 口宮使口府儀同三口口口內侍口口口國口口口  
 同女弟子口口三十二口以大寶口口歲次癸口  
 五月壬子朔口口口口辰鑄造口口口口 入緣  
 弟子內給事都監韶州梁延鄂以上 毗口口佛  
此北 藥師佛此北 玉清宮使德陵使龍口宮  
上面 使開府儀同三口口內侍監上柱國龔口口同女  
 弟子口氏三十二口以大寶六年歲次口亥五月  
 壬子朔十七日口辰鑄造永口口口 入緣弟子  
 內給事都監口州梁延鄂以上 口口佛此西  
 彌勒佛此西 玉清宮使德陵使龍德宮使開府  
 儀同三司行內侍監上柱國龔澄樞同女弟子鄧  
 氏三十二娘以大寶六年歲次癸亥五月壬子十  
 七日戊辰鑄造永充供養 入緣弟子內口口口  
 口口口延鄂 口弟子劉軍口以上  
 歲在壬申重游嶺表改歲正月南海陳元孝飯

予光孝寺南海之興王寺也寺僧導主客詣劉  
 鋹所鑄鐵塔所在見二塔並立一屋中修短不  
 齊一作記一題名始悟曩時拓本合二為一記  
 之不詳元孝語予南漢主劉龔葬番禺縣治東  
 二十里北亭明崇禎丙子秋九月穴中有鷄鳴  
 土人發其墓隧道崇五尺深三尺有金像十二  
 一冕而坐一笄而坐殆馬后也夾侍十人疑是  
 諸子又學士十八以白金鑄其他珍異物甚  
 夥有碑一具書翰林學士知制誥正議大夫尙  
 書右丞上紫金袋臣盧應奉勅撰文曰維大有  
 十五年歲次壬寅四月甲寅朔念四日丁丑高  
 祖天皇帝崩於正寢越光天元年五月癸未  
 朔十四日丙申遷神於康陵禮也云云予方注  
 五代史衰年健忘遂牽連書於前冊亡友仁和  
 吳志伊撰十國春秋盧應更作膺謂事龔為工  
 部侍郎大有中加太尉中宗時拜中書侍郎同  
 平章事銜名不合惜其已逝未得此異聞也  
尊曝書  
 右龔澄樞造鐵塔在廣州光孝寺文凡七行世  
 所傳者惟西一面文乾隆甲午夏益都李文藻  
 素伯諦觀東南北三面鐵繡中隱現有字募人  
 錐出榻之文皆與西面同而每行字數有多寡

蓋非一範也素伯又爲文記塔之形製云塔自  
跌以上高丈有九尺六寸石跌四重刻獅獸鐵  
跌四重一作瓦檐形二作龍戲五珠縮其地廉  
外爲四人首戴弟三重如鼉屬狀三重亦刻花  
紋四重周作蓮花四面各濶四尺六寸爲瓣九  
中瓣刻文於上自蓮花瓣以上凡七層以次而  
狹皆鑄佛像最上濶不過二尺又爲蓮花頂每  
層大佛一衆小佛環之每面七層計二百五十  
佛四之則千佛矣下二層佛旁有字梯而視之  
弟一層東曰釋迦佛西曰彌勒佛南曰彌陀佛  
北曰藥師佛藥師佛者釋家謂之功德佛其造  
塔者自況乎第二層東盧遮那佛南盧舍那佛  
西牟尼佛北毗舍浮佛它佛名皆刻佛左而此  
獨刻佛右塔頂似有字勢甚危不可梯也錢大  
研堂金石  
文跋尾

謹案塔在廣州光孝寺之西院唐六典內  
侍省內侍四人從四品上新唐書百官志  
內侍省監二人從三品內侍四人從四品  
注云龍朔二年改監爲省天寶十三年置  
內侍監則唐自天寶後稱內侍監五代會  
要後唐同光元年以左監門衛將軍判內  
侍省李紹宏兼內局則後唐已復稱省要

之南漢承唐梁之制內侍省有監內侍監  
省官之長省者其寺署監者其官也與唐  
書百官志解官司之別曰監者不同又東  
莞鎮象塔邵廷珩題街傳行有內侍十六  
內侍監亦可爲有監之証也  
年感報寺鐘款載桂州管內招討使而未  
特進行內侍上柱國吳懷恩是也  
嘗稱其官爲內侍省款有云守內侍省內  
府局台賜紫金魚袋梁延康此省中之屬  
官百官志內侍省其屬六局五日內府是  
也非以省當以此塔題街爲據宋史通鑑  
及十國春秋稱澄樞爲內侍省似並誤也  
又舊唐書職官志武德令職事解散官欠  
一階不至爲兼職事卑者不解散官貞觀  
令以職事高者爲守職事卑者爲行仍各  
帶散位其欠一階依舊爲兼與當階者皆  
解散官則澄樞初以知承宣院十四春秋  
漢知承宣院卽蜀之宣徽南院使冊府元  
龜後唐莊宗卽位以李紹宏爲宣徽南院  
使兼掌內局天下財穀皆委茲遠歷代職  
官表宣徽南院使唐爲少府監從三品  
兼內侍監宋史十國春秋後又以開封府儀  
同三司行內侍監傳乃誤監爲省又漏其  
後一官并畧其動上柱國耳塔款又載入  
緣弟子梁延鄂史傳無攷其題街稱內給  
事都監按六典百官志內給事從五品無  
都監之名十國春秋百官表亦不載當據  
此以補其缺塔頂爲蓮花形無字李文藻

之言凡說也

大寶七年鐘款

存

大漢皇帝維大寶七年歲次甲子正月一日戊寅鑄造洪鐘壹口重銅壹仟貳佰陸拾斤於長壽寺永充供養 其鐘元在長壽寺至今戊辰歲四月八日却移於法明寺永充供養 都維那僧惟省直歲僧法光典座僧令恩上座文昌

謹案鐘在曲江南華寺蓋自法明寺移至者也據宋開寶九年款法明寺當在廣州然今不可攷矣長壽寺即今六榕寺戊辰大寶十一年也

大漢韶州雲門山大覺禪寺大慈雲匡聖宏明大

師碑銘 并序 西御院使集賢殿學士御前承旨

太中大夫行左諫議大夫知太僕寺事上柱國賜

紫金魚袋臣陳守中奉勅撰

行書

原夫真空無相劫火銷而性相何來妙法有緣元氣剖而因緣何起造化莫能為關鍵元黃不可為種根乱乎十號之尊出彼三祇之劫增莫知而滅寧觀詎究始終望不見而名無言孰明去住不有中有不空中空匪動匪搖常寂常樂拘留孫之過去釋種圓明毗婆尸之下生元符合契絲是修行道著相好業成爰授記於定光適度人於摩揭自

是一音演說二諦宏宣開八萬法門化三千世界大乘六而小乘九慧業難基欲界四而色界三昏波易染所以興行六度接引四生求真者竟洗六塵修果者咸超十地盡使昏衢之內俱萌捨筏之心大庵人天俾居淨土其後衣纓白氎屣脫金沙示無住之身現有終之理於是迦葉結集阿難證真遞付心珠住持法藏象教遠流於千壑覺花遍滿於十方馬鳴興護法之功龍樹顯降魔之力師師相受法法相承大化無窮不可思議而自我祖承運明帝御乾符聖夢以西來圖粹容而東化金言玉偈摩騰行首譯之文鹿苑難林佛胡遂身遊之化迫於魏晉迄至隋唐達理者甚多得道者非少其如歷帝歷代有廢有興未若當今聖明欽崇教相者也伏惟睿聖文武隆德高明宏道大光孝皇帝陛下德參覆載道合照臨叶九五之龍飛應一千之鳳歷承帝嘗有堯之慶鴻業教興體下武繼文之基聖功崛起每念八紘紛擾九土艱虞耀干戈弧矢以宣威救生靈塗炭用聲明文物而闡教致寰宇雍熙櫛沐忘勞鑿大禹之所未鑿造化不測開巨靈之所未開慶雲呈而甘露垂嘉穀生而芝草出其於儒也則石渠金馬刊定古今八索九邱洞窮淵奧其於道也則探元抱朴得太上之

妙門寶籙靈符授虛皇之秘訣於機暇既崇於儒道注宸衷復重於佛僧是以奉三寶於虛空福萬民於寰宇紺宮金刹在處增修白足黃頭聯辰受供而乃頻彰瑞感顯應昌期矧以韶石與區漕溪勝地昔西來智藥三藏駐錫於漕溪曰一百七十年後當有無上法寶肉身菩薩於此興化學道者如林故號漕溪曰寶林也二十八祖之心印達磨東傳三十三代之法衣祖師南授自六祖大師登正果之後所謂學者如林天下高僧無不臻湊者矣大慈雲匡聖宏明大師者則別穎一枝也大師澄真不誣定性自然馳記前之高名躡迦維之密行惠燈呈耀智劍發礪六根淨而五眼清不染不著四果證而三明明自悟自修啟禪門而定水泓澄搜律藏而戒珠瑩徹水上之蓮花千葉清淨芬芳空中之桂魄一輪孤高皎潔機無細而不應道有請而必行固得百福莊嚴萬行圓滿盡諸有漏達彼無爲大師諱文姓張氏吳越蘇州嘉興人也生而聰敏幼足神風不雜時流自高釋性纒逾卅歲便慕出家乃受業於家興空王寺律師志澄下爲上足披經擇偈一覽無遺勤苦而成依年具尸羅於常州戒壇初習小乘次通中道因聞睦州道蹤禪師關鑰高險往而謁之來去數月忽一日禪

師發問曰頻頻來作什麼對曰學人已事不明禪師以手推出云秦時轆轤師因是發明微而有理經數載策杖入閩造於雪峰會下三禮之後雪峰和尚頗形器重之色是時千人學業四衆咸歸肅穆之中凡聖莫測師朝昏參問寒煖屢遷昂鶴態於羣流問禪扉於方寸因有僧問雪峰曰如何是觸目不見道運足焉知路雪峰曰叫其僧不明舉問師此意如何師曰兩斤麻一疋布僧又不明復問何義師曰更奉三尺竹僧後聞於雪峰峰曰噫我常疑箇布衲其後頗有言句繁而不書乃於衆中密有傳授因是出會游訪諸山後雪峰遷化學徒問曰和尚佛法付誰峰曰遇松偃處住學徒莫測偃者則師之法號也遺誠至今雪峰不立尊宿幸未屆於漕溪旋謁靈樹故知聖大師如敏以長老識心相見靜本畧同傳侶接延僅逾八載丁丑知聖忽一日召師及學徒語曰吾若滅後必遇無上人爲吾茶毗及戊寅歲知聖大師順寂恰遇高祖天皇大帝駕幸韶陽至於靈樹勅爲焚蕪果契前言也師是時奉詔對敷便令說法授以章服次年又賜於本州爲軍民開堂師據知聖筵說雪峰法牧守何希範禮足曰弟子請益師曰目前無異草是日問禪者接踵其對答備傳於世師亦後倦於

延接志在幽清奏乞移庵帝命俞允癸未領衆開  
雲門山構創梵宮數垂而畢莫不因高就遠審地  
爲基督軒運宇而湧成花界金繩而化出曉霞低  
覆絳帷微櫺於雕楹夕露散垂珠網輕籠於碧凡  
匠匠盡奇峰秀嶺逶迤皆潑黛堆藍泉幽而聲激  
珠璣松老而勢擎空碧由是裝嚴寶相合雜香廚  
樞衣者歲溢千人擁錫者雲來四表菴羅衛之林  
畔景象無殊者閭岫之山中規模匪異院主師傳  
表奏造院畢功勅賜額曰光泰禪院至戊戌歲高  
祖天皇帝詔師入闕朝對有容因宣問曰作麼  
生是本來心師曰舉起分明帝知師洞韞元機益  
加欽敬其日欲授師左右街大僧錄遂讓再三而  
免翌日賜師號曰匡真大師延駐浹旬賜內帑銀  
絹香藥遺迴本院厥後常注宸衷頻加賜資尋伏  
遇中宗文武光聖明孝皇帝續承鴻業廣布皇風  
廓靜九圍常敬三寶復降詔旨命師入於內殿供  
養月餘仍賜六銖衣鍍絹香藥等却旋武水并預  
賜塔院額曰瑞雲之院寶光之塔師禪河浩淼聞  
必驚人有問禪者則云正好辨有問道者則云透  
出一字有問祖師意者則云日裏看山凡所接對  
言機大約如此了義元遠法藏幽微化席一興歲  
華三紀師於生滅處在色空中來若鳳儀作僧中

之異瑞去同蟬蛻爲天外之浮雲於屠維作噩之  
歲四月十日寢膳微爽動止無妨忽謂諸學徒曰  
來去是常吾當行口口命侍者奉湯師付湯椀於  
侍者曰第一是吾著便第二是汝著便亟令修表  
告別君王乃自札遺誠曰吾滅後不得敦俗家着  
孝衣哭泣備喪車之禮則違我口口也付法於白  
雲山實性大師志摩其日子時瞑目怡顏疊足而  
化嗚呼化緣有盡示相無生端然不壞之身寂尔  
歸真之性惠泉雖乾於此界法山復化於何方峰  
雲慘澹以低垂衆鳥悲鳴而不散學徒咸極瞻瞻  
塔以銜哀門客戀深拜禪龕而雪涕以當月二十  
有五諸山尊宿四界道俗送師入塔壽齡八十  
六僧臘六十六香飄數里坐板一隅護法龍神出  
虛空而閃爍受戒陰陽現鬚鬢之形容其後諸國  
侯王普天僧衆聞師圓寂竟致齋羞而後一十七  
年我皇帝應天順人垂衣御極順三靈而啟聖紹  
四葉之耿光大振堯風中興佛法至大寶六年歲  
次癸亥八月有雄武軍節度推官阮紹莊忽於夢  
中見大師在佛殿之上天色明朗以拂子招紹莊  
報云吾在塔多時汝可言於李特進秀華宮使特進李托也  
託他奏聞爲吾開塔紹莊應對之次驚覺歷然是  
時李托奉勅在韶州於諸山門寺院修建道場因

是得述斯夢修齋事畢迴京奏聞聖上謂近臣曰此師果圓滿坐化多年今若託夢奏求必有顯現宜降勅命指擣韶州都監軍府事梁延鄂同本府官吏往雲門山開塔如無所壞則奏聞迎取入京梁延鄂於是准勅致齋然後用功開鑿菩薩相依稀旋觀蓮花香馥郁先聞須臾寶塔豁開法身如故眼半合而珠光欲轉口微啟而珂雪密排髭髮復生手足猶軟放神光於方丈晃耀移時興瑞霧於周迴氤氳永日卽迨卽俗觀者數千靈異旣彰尋乃具表奏聞勅旨宜令李托部署人船往雲門修齋迎請天吳息浪風伯清塵直濟中流俄達上國勅旨於嵒岫步駐泊翌日左右兩街諸寺僧衆東西教坊四部伶倫迎引靈龕入於大內螺鈸鏗鏘於玉闕幡花羅列於天衢聖上別注敬誠賜昇秘殿大陳供養疊啟齋筵排內帑之瓊珍饌天府之蒞藻列砌之驪珠斛滿盈盤之虹玉花明浮紫氣於皇城炫靈光於清禁聖上親臨寶輦重換法衣謂侍臣曰朕聞金剛不壞之身此之謂也於是許羣寮士庶四海蕃商俱入內庭各得瞻禮瑤林畔千燈接晝寶山前百戲聯宵施利錢銀不可殫紀以十月十六日乃下制曰定水澄源火蓮發豔夙悟無生之理永留不朽之名萬象都捐但秘西

乾之印一真不動惟發南祖之燈韶州雲門山證真禪寺匡真大師早契宗乘洞超真覺雖雙林示滅十七年靡易金軀隻履遺蹤數萬年應迴葱嶺朕顯膺歷數纘嗣丕圖泊三朝而並切皈依乃一心而不忘迴向仰我師而獨登果位在沖人而良所歎嘉宜行封賞之文用示褒崇之典可贈大慈雲匡聖宏明大師證真禪寺宜昇爲大覺禪寺重臣將命乳奩坤儀太常行禮於天堦綸誥宣恩於雲陛固可冥垂慈貺密運神通資聖壽於延長係皇基於廣大師在內一月餘日聖澤優隆七寶裝龕六銖裁服頒賜所厚令古難倫當月二十九日宣下李托部署却迴山門有參學小師雙峰山長老廣悟大師賜紫竟欽溫門山感悟大師契本雲門山上足小師應悟大師常寶等同部署真身到闕亦在內庭受供恩渥異常其諸上足門人常厚等四十餘人各是章衣師號散在諸方或性達禪機或名高長老在京小師悟明大師都監內諸寺賜紫常一等六十餘人或典謀法教或領袖沙門臣才異披沙學同鑄水虔膺鳳旨紀實性以難周愧匪雄詞勒貞珉於不朽乃爲銘曰於穆大雄教敷百億亭育二儀提攜八極不滅不生無聲無色卓爾神功昭然慧力一其化無不周道

無不備法以流今教既布矣爰示滅樂歸乎妙理  
 寶性真宗枝分風靡其祖祖傳心燈燈散燭詮諦  
 騰鏢聖賢交躅種種津梁門門杼軸正覺廣焉尋  
 之不足其厥有寶林重芳一葉布無上乘登無上  
 檝法炬腫隴尼珠煒煜拯溺迷津救焚塵劫其南  
 北學徒樞衣朝夕無醉不醒無昏不釋示其生焉  
 來彰慧績示其滅焉歸圓真寂其湛然不動塔韞  
 寶光玉毫彌赫金相彌莊時乎未矣我則晦藏時  
 乎至矣我則昭彰其爰於明朝現茲法質如撥障  
 雲重舒朗日瑞應皇基福隆帝室聖覽禎祥恩頒  
 洋溢其三翼沿沂千里請迎迎來丹闕設在三清  
 金銀羅列瓊壁堆盈俄生紫氣潛覆皇城其日陳  
 供席夜奏笙歌施億寶貝捨萬綺羅神傾薈荀天  
 降曼陀前佛後佛顯應斯多其明明聖君仁仁慈  
 主聖比和風慈同甘雨祚與天長教將地固勒之  
 貞珉永芳千古其維大寶七年歲次甲子四月  
 丁未朔列聖宮使甘泉宮使秀華宮使翫華宮使  
 開府儀同三司行內侍監上柱國臣李托 玉清  
 宮使德陵使龍德宮使開府儀同三司行內侍監  
 上柱國武昌縣開國男食邑三百戶臣龔澄樞承  
 旨建 右街大乾亨寺內殿供奉講論兼表白意  
 法大師賜紫沙門臣行修奉勅書 右龍虎軍控

鶴將軍陪戎副尉臣孔廷謂臣廷津臣陳延嗣臣  
 鄧懷忠等鑄字

碑內稱漢明帝為我祖又稱睿聖文武隆德高  
 明宏道大光孝皇帝此諡十國春秋無之陳守  
 中行修俱無傳又十國春秋文偃傳云諡大慈  
 雲匡真宏明禪師真字蓋聖字之訛粵東金石

謹案碑在乳源雲門山以棗本校之頗多  
 異同又李托十國春秋作託人名在當時  
 必得其真宜以碑為正至曹溪作漕溪或  
 當時通用如此如北齊雋修羅碑書長安  
 作葺安耳地作空通志六書畧以為籀文  
 載作輦武后更造字鑿作鑿莊作莊鄉壁  
 虛造字惟觀作觀尙合六書通借之義利  
 作利本梁元帝梁安寺刹下銘唐元應一  
切經音義  
云利字書無即利字  
之省此利亦利省爾可訂說文新附利象  
 之妄矣

東鐵塔記 存

大漢皇帝以大寶十年丁酉歲勅有司用烏金鑄  
 造口千佛寶塔壹所七層并相口蓮花座高二丈  
 二尺保龍口有慶祈鳳歷無疆萬方咸使於清平  
 八表永承於交泰然後善資三有福被四恩以四  
 月軋德節設齋慶讚謹記 口口口口口口口口

口口口口口口口口使官關口口口番檢點口口  
 口口將軍口口口口口口口口口口口口伯食  
 邑七伯戶口口口口此南面 教中大法師內口口  
 監口口口口口口口口大夫檢校工部尚書口口法大  
 師沙口口口口口此南面 口中大口口口口口口口  
 口口口口口口口口口口檢校口部尚書口口口口口  
 門口口口口口此東面 教中大法師內供奉講經首  
 座金紫口口口口夫檢校工部尚書寶法大師沙門  
 臣口口口口此北面 內殿大僧錄教中大法師金紫  
 光口口口校校工部尚書曉真大師沙門臣口口口  
此北面  
西隅

鐵塔建自大寶十年凡七層合相輪蓮花座崇  
 二丈有二尺觀其列名皆宦者也當其時張又  
 範銅爲己像并肖諸子列於天慶觀而今已亡  
 之蓋金石刻之傳於世金之用博故其鏤也易  
 以予所見自唐以來惟景雲觀法性寺二鐘銘  
 及是塔記而已亭集  
 廣州光孝寺有二鐵塔其在東院者以黃金塗  
 之南漢主劉鋹所造寺西院又有千佛鐵塔兩  
 塔高大畧相等東塔較高朱竹垞謂見二塔並  
 立一屋中修短不參一作記一題名始悟曩時  
 拓本合二爲一記之不詳疑未得其實也又謂

其列名皆宦者今觀其列名皆沙門監造而宦  
 者惟龔澄樞一人且其塔乃澄樞自造又在張  
 所造之前亦不得合爲一也翁方綱粵東金石畧

謹案塔在廣州光孝寺之東院蓋後主敕  
 有司所造也紀年丁下闕一字卯字也記  
 後題名磨滅過半然審視南面東隅所書  
 官階其成文可讀有所謂秀華宮使者將  
 軍者食邑七百戶者其殘闕之字有所謂  
 陽宮使者使官闈者番檢點者攷宋史及  
 十國春秋李託傳中宗襲位選內侍省充  
 官闈諸衛押番兼秀華宮使後主立改玩  
 華宮使內侍監列聖景陽二宮使又乳源  
 大寶七年碑結銜亦稱列聖宮使甘泉宮  
 使秀華宮使翫華宮使開府儀同三司行  
 內侍監上柱國李托並與此塔所書官名  
 畧同然則監造者即托也陽宮上缺景字  
 宮闈下番檢點上缺諸衛押三字均可據  
 十國春秋後主紀及托傳以補之至托傳  
 不載其封爵食邑則又可據塔款以補其  
 缺矣

碧虛觀碑

葛蒲觀在蒲澗東今名碧虛中有劉氏碑東坡

題名其上南海百詠

瑞像記佚

五代偽劉時僧惠進作瑞像記立於中閣院殿

側與地

石塔殘字存

謹案塔在博羅羅浮山寶積寺門外與南

漢乾和石幢對峙四層中斷年代不可考

所存之文皆佛語以字法考之疑亦南漢

物也

廣東通志卷二百四終

廣東通志卷二百五

金石畧七宋一

元聖文宣王贊并序

若夫檢玉介邱迴輿闕里緬懷於 先聖躬謁於

嚴祠以為易俗化民既仰師於彛訓宗儒尊道宜

益峻於徽章增薦崇名聿陳明祀思形容於盛德

爰刻鏤於斯文贊曰立言不朽垂教無疆昭然令

德偉哉素王人倫之表帝道之綱厥功實茂其用

允臧升中既畢盛典載揚洪名有赫懿範彌彰

加號詔存

王者順考古道懋建大猷崇四術以化民昭宣教

本總百王而致理丕變人文方啟迪於素風思肇

揚於鴻烈 先聖文宣王道膺上聖體自生知以

天縱之多能實人倫之先覺宏功侔於簡易景鑠

配乎貞明惟列辟以尊崇為億載之師表肆朕寡

昧欽承命懸曷嘗不遵守彛訓保乂中區屬以祇

若元符告成喬嶽觀風廣魯之地飭駕數仞之精

躬謁遺祠緬懷遐謁仰明靈之如在肅奠獻以惟

寅是用微簡策之文昭聰淑之德聿舉追崇之禮

庶伸嚴奉之心備物典章垂之不朽誕告多士昭

示朕懷宜追諡曰 元聖文宣王祝文特進署仍

合所司擇日備禮冊命并修飾祠廟祭器其廟內

制度或未合典禮並令改正給近便五戶以奉塋域仍差官以太牢致祭故茲詔示想宜知悉

大中祥符元年十月二十四日東封禮畢十一月

一日車駕幸曲阜縣謁奠 先聖文宣王命刑部

尚書溫仲舒等分奠七十二弟子先儒畢幸孔林

是日詔先聖加號 元聖文宣王御製贊又詔吏

部尚書張齊賢等次日以太牢致祭詔充公顏子

進封充國公十哲閔子已下進封公曾子已下進

封侯先儒左邱明已下封伯五年八月二十二日

奉勅諸道州府軍監各於 元聖文宣王廟刻御

製贊并詔十一月 日奉勅改諡曰 至聖文宣

王

謹案碑在南雄州學左有跋記其始末甚

詳宋史禮志何真宗東封幸曲阜謁 孔

廟帝特展拜親製贊刻之石又云明年詔

封十哲為公七十二弟子為侯先儒為伯

或贈官親製 元聖文宣王贊顏子以下

宰臣分贊據此似謁 孔廟為元年詔封

十哲等為二年矣碑則俱在元年疑宋史

誤也大中祥符碑刻當在開寶之後以贊

為真宗御製故列宋代碑刻之前臣不先

君也餘同此

高宗真草孝經殘碑經文不錄

謹案碑在廣州學 大成殿後井牀上今

遂明倫堂東序五層層凡五十二行行凡

十字惟紀孝章行九字標目之行或二字

三四字真草各為一行真先草後石上下

有關泐又廣要道章以下經文及書人年

月別為石今已亡攷經中敬讓並避寫作

欽恭又真草合為一卷與董史書錄張鉉

金陵新志稱高宗御書孝經真草相間之

說合徐獻忠吳興掌故載高宗書孝經紹

興十四年立石則此刻當同時立也標目

無第一第二等字蓋鄭氏本邢昺校正義

名近日本鄭注不標章名譌撰爾然與釋文間不同蓋釋

文稱本鄭氏而後人據石臺本改已非陸

氏之舊如無念誤刻毋念鄭注無念無忘

無匪懈誤刻匪解華嚴經音義引鄭注懈

災害誤刻災害說文或作災從火積

莫誤刻積焉漢書魏文志師古注引臣贊

作積得此刻尙足正之朱氏經義考載諸

府御書孝經皆云未見惜其至廣州時未

知有此刻也

大宋新修南海廣利王廟碑銘并序 山南西道

節度掌書記將仕郎守右補闕柱國賜緋魚袋臣  
裴麗澤奉勅撰 朝議郎行監察御史權知端州  
軍州事臣韓溥奉勅書 存

臣聞海所以能爲百谷王者以其善下故也能善  
其下故百川委輸歸往焉亦猶山不自高衆塵由  
是歸矣海不自大衆水所宗焉是知不積衆塵無  
以崇其萬刃不積衆水何以成於四溟溟則海也  
以四夷分而言之謂之四海以大瀛總而言之謂  
之神海其實一也炎荒之極南海在望洪濤瀾漫  
萬里無際風潮洶湧雲島相連浴日浮天乍合作  
散珊瑚生於波底蘭桂藜乎洲上其或天吳息浪  
靈胥退濤彼俗乃駕象牽犀揀金拾翠人千重之  
水疊疊口珠披萬頃之沙往往見寶自古交阯七  
郡貢獻上國皆自海沿于江達于淮逾于洛至于  
南河故礪砥督丹羽毛齒革底貢無虛歲矣唐天  
寶十載封爲廣利王口之冕服享以牢醴每歲春  
秋致奠略無闕焉自有唐將季也中朝多故戎馬  
生郊竊號假名憑深恃險五嶺外郡遂爲劉氏所  
據殆七十年故元口口組包甌茅菁闕供於王祭  
矣何暇禱祀嶽瀆耶口乎物不終否否極必泰故  
我今皇帝受上元之命庇下土之民協和萬邦光  
被四表率土之內無遠弗屆金秋十二鄙秦帝威

於四夷黃龍一雙約賓人來於萬里故望雲馳奏  
向日傾心納貢藁街者日有所至史不絕書蓋茲  
炎陬獨迷聲教阻絕我琛賚割剝我生民恣爲淫  
刑濫行不道遂致人怨神怒衆叛親離民懷俟后  
之心俗有後予之怨是則軒黃神聖猶亟戰於阪  
泉帝堯聰明尙有征于丹浦弔民間罪可得行之  
遂乃宜社出兵鑿門命將王師纔舉如時雨之降  
若大鵬之征徧海岱而會匪崇朝渡南溟而止期  
一息四月未再馳駟繼至則日韶廣之壘今已平  
矣渠魁之屬悉以擒矣下郡百餘所拓土千萬里  
沿海舊地盡爲口口未翌日廣南道行營招討都  
部署潘美陳露布俘僞廣主與官屬獻於闕下夫  
高屋建瓴下坂走丸飛鴻之縱順風商飈之殞橋  
萊奚如是之易也若非我應天廣運聖神文武明  
道至德仁孝皇帝聖謨眷略之感應曷能平盪矣  
豈直標其銅柱俾馬援分於漢疆未若走以長纒  
躡尉他獻於魏闕既而口口截天下爲公由是  
降德音覃濡澤繫囚未釋者俾其釋矣流人不歸  
者咸使歸之汚俗濁而自清亂法邪而復正化癘  
土爲王土變黎民作堯民衆人熙熙沐皇風如飲  
醇醴睹聖政若享太牢上曰彼民既無彼俗既化  
廣利王之廟自阻隔已來寂寥莫睹今既復其土

地可使視其廟貌俾重崇焉乃命中使往藏其事告帝王之旨欽克復之意蘋藻在薦蓋殫具陳酒一奠而海若肅淪祥風襲人嶽舞山轉若來朝於百神樂再奏而大壑溟津炎精不覓浪息波停如恭聽於明命似律召呂疑谷應聲影象相傳盼嚮如在林麓以之森聳山川謂之清明鳴口皇天無親惟德是輔陰靈不昧有感必通詎非濬哲之君孰口靈長之德豈直揚清激濁梁簡文止述於詞賦乖巒隔夷謝惠連空陳於讚詠式揚巨德宜樹豐碑虔奉綸言謹爲銘曰

無阜東峙朱陵南望極覽滄嶼渺觀洪浪鳳麟鎮其西炎長洲其上迴泐萬里堆疊千嶂混混漾漾汪汪洋源流地脈派引天潢限六蠻於外服通七郡以來王仁惟利涉道乃靈長我后眷聖載服洪荒惟神正直克享馨香靈肯之濤匪怒陽侯之波弗颺善下其德既濟其航千年萬禩永享蒸嘗開寶六年太歲癸酉十月九日己丑書建

謹案碑在廣州南海廟裴麗澤奉敕撰韓溥奉敕書不著篆額人當亦溥筆也宋史禮志云命儒臣分撰嶽瀆祠碑書于石豈其一歟溥題銜權知端州軍州事宋史溥傳不載又碑載太祖尊號與宋朝事實東

都事略竝合而宋史本紀誤刻聖文爲大聖當以碑正之碑字多古借如刃爲刃本無極山碑薦爲薦本易豫釋文酥不从草本黃庭經葺从胃本逢盛碑緝之右體再作耳本仲秋下旬碑竟作竟本劉歆遂初賦史稱溥博學善筆札觀此益信惟屈从由桀作桀肝作盼皆謬舛或刻誤爾至用書作茅菁疑所見本異蓋偽孔傳解菁茅爲二物故菁茅亦有讀作茅菁耳

碑陰存

推誠宣力同德翊戴功臣山南東道節度襄均房復等州觀察處置兼三司水路發運橋道等使南面行營兵馬部署廣南諸州計度轉運使權知廣州軍府事市舶使金紫光祿大夫檢校太保使持節襄州諸軍事襄州刺史兼御史大夫上柱國榮陽郡開國侯食邑二千戶食實封二百戶潘美推誠翊戴宣力功臣金紫光祿大夫檢校太保使持節復州諸軍復州刺史本州防禦使南面行營兵馬都監兼御史大夫上柱國沛郡開國公食邑二千五百戶朱憲推誠翊戴功臣起復正議大夫秘書少監使持節韶州諸軍事韶州刺史廣南諸州轉運副使柱國瑯琊縣開國男食邑三百戶

賜紫金魚袋王明 都大提舉修勅中散大夫行  
尚書駕部員外郎通判廣州軍府事兼市舶判官  
柱國謝處玘 奉勅監修廟文林郎守廣州錄事  
參軍事林洵美

謹案開寶碑陰朱憲係銜推誠翊戴功臣  
宋文鑑檢劉鋹露布都監朱憲列尹崇珂  
下則亦平廣之功臣矣而宋史紀傳世家  
竝闕載潘美係銜有襄州刺史兼御史大  
夫傳亦遺之王明廣南轉運副使東都事  
略乃云以功擢秘書少監廣南轉運使亦  
皆非也官階履歷當以碑為真爾

南漢鐘宋開寶九年款行書

南華禪院奉勅宣賜廣州長壽寺鐘壹口將鎮祖  
山功資國祚以開寶四年丙子歲九月二十五日  
得廣州差人舩同前副監寺契真大師懷口都監  
契淨大師口口監院淨源大師口口守護傳法衣  
鉢普口口口

謹案鐘在韶州南華寺

南漢鐘銘存

穹狀而隆匳狀而宏其形其聲傳茲不窮於未七  
月蘭坡道人志

謹案銘在南華寺大寶鐘開寶款之後不

著年代但題云癸未七月致銘以宏韻窮  
唐韻此據徐鉉說文所引宏戶萌切而歐陽修五代  
史于宏字皆避諱改為洪則讀宏為胡公  
切者蓋宋時音如此此銘款云癸未或即  
太平興國八年也故附於此以俟攷

五僊觀古仙詩碑草書

古仙舊題錄 撥破紅塵入紫烟五羊壇上訪神

僊人間自覺無閑地城裏誰知有洞天竹葉影繁  
籠藥圃桃花香煖暎芝田吟餘池畔聊欹枕風雨  
蕭蕭吹白蓮 元元分古觀南鎮越王城五石空  
畱瑞羣仙不記名丹砂雖久煉雞犬自長生檻簇  
鰲頭景門通鶴頸程煙霞沿砌起花木逐時榮古  
井涵虛碧深鐘入竹清芳蕪延野色寒溜引秋聲  
藥竈封苔老芝田積雨平風光齊嶽麓音信接朱  
明願得身從此乘雲到玉京 右唐律五十六字  
古風五言紫虛真仙雍熙間所題也真仙姓古名  
成之字亞與國初歲所貢闈一路會試正薦一人  
古君貫廣州增城縣雍熙元年被薦泊到南宮者  
中第二張賀劉師道惡其南人名居其上遂於唱  
名前一夕召古君夜飲潛置瘖瘖藥於杯中黎明  
赴唱名語不出太宗皇帝宣諭之曰明年再來必  
不掩卿雍熙四年又取州解次年改元端拱在程

宿榜及第淳化二年召試館職除秘書省校書郎  
間漢州萃聚神仙之地授綿竹令淳化四年到任  
遇至人韓詠遺書啟緘披誦移寢東廡自此絕食  
日惟飲酒忽一日取誥身於後題詩云物外乾坤  
誰得到壺中日月我曾遊畱今畱古爭畱得一笑  
浮生萬口休寫畢擲筆於地而卒縣佐方申其化  
去而古君已先至漢州謁太守後有人見之嘗往  
來成都市藥或涉仙都觀或遊眉山或入九隴熙  
寧中雷霹武夷山石有字一行云古成之於此上  
升舊綿竹邑東門外有古仙亭張忠定公刻石以  
紀其事今廣州之西城有紫虛古真仙祠迺經略  
安撫劉尚書重建比因五仙祠宇復新謹以真仙  
所題本觀之遺什再勒翠珉庶傳不朽云施工石  
羣龍社進士黃宗石李口口知觀事寒應祥拜手  
謹題 進士李口口 林口刻

隸額曰古仙舊題中二段草書七律一首五律  
十韻一首下段跋以古為增城人與惠志不同  
粵東金石略

謹案碑在廣州五仙觀二詩俱宋詩紀事  
所未收又紀事稱成之惠州人中端拱二  
年進士據跋云貫增城縣又云次年改元  
端拱在程宿榜及第蓋紀事未見是刻故

謂為惠人耳王象之亦以古成之為惠人  
粵大記在陳堯叟榜亦誤  
跋不著時代年月文中國初字太宗皇帝  
字竝空一字書其為宋刻無疑文又云紫  
虛真仙祠迺經略安撫劉尚書重建考宋  
史劉應龍傳景定末以顯謨閣侍制知廣  
州廣東經略安撫使德祐元年遷工部尚  
書寶章閣學士則所稱劉尚書當為應龍  
是刻當在德祐間矣以其詩為雍熙間題  
故錄入雍熙代云

唐鍾宋咸平三年款存

上不重五百斤維咸平三年三月一日第一勅命  
指揮鐫鑿記第二儒林郎口口戶參軍兼錄事參  
軍司法事邢口口第三口奉大夫行尚書膳部郎中  
知端州軍州事上柱國賜紫金魚袋慎口口第四

謹案是款在肇慶譙樓乾寧鐘款之側文  
細如絲審視頗了拓本則多漫滅矣

陳文惠燕譽亭三字隸書

字長寬俱一尺一寸咸平四年夏陳文惠公書  
府志謂亭在城良隅已不可攷今勒此于武溪  
碑陰文惠名堯佐闔中人述古之父也其八分  
最有名點畫濃重世謂之堆墨書今觀此三字  
信然粵東金石略